

Awe logia Masonico El Sol Nascente ta celebra su di 85 aniversario



▲ **Simón Bolívar, e Libertador di Venezuela, Colombia y varios otro país di Sur América a drenta Masoneria tempo cu e tabata biba na Francia. E status aki ta den Vondellaan, dilanti di e edificio di Sociedad Bolivariana.**

ORANJESTAD - Dia 15 di November di 1920, despues di un lachá cu a durá casi nuebe aña, un grupo di shete Arubiano cu tabata pertencencia na un Logia Masonico di Curacao, por fin a ricibi for di Gran Logia di Hulanda e Charter cu a reconoce formalmente e Logia Masonico "El Sol Nascente" di Aruba.

Dia 15 di November di 2005 e actual miembronan di e Logia cu awe ta bon conoci lo observa nan di

ochenta y cinco aniversario cu un ofrenda floral solem na e monumento Masonico na L.G. Smith Boulevard na memoria di e rumannan cu a pone abou pa semper nan hermaninan di Mason. Dia 19 di November e miembronan di El Sol Nascente hunto cu nan sehoranan lo celebra e aniversario cu un banquete formal despues di un ceremonia conmemorativo. Tur e shete pioneronan Arubiano tabata miembro prominente den comunidad Arubiano: C. H. Eman, A.L.

Scholten, H. J. Schreuder, H. Yrausquin Lampe, L.J.M. Henriquez, S.A.A. Henriquez y un tal Mr. Veeris di ken su nomber ta desconoci. Como cu den e tempo ey ningun Catolico tabata permiti pa bira Mason, e grupo aki no tabata un bon transversal di e comunidad Arubiano manera e miembronan di awe ta, pero asina mes e miembronan original tabata mustradiversidad den diferente aspecto. Algun tabata comerciante, otroonan ambienan, maestro di scol y

tabatin por lo menos un sapatero. Sr. L.J.M. "Nadi" Henriquez, abuelo di e actual president di Banco Central di Aruba a bira e prome "Venerable Maestro" (Lider) di e Logia nobo. E actual Venerable Maestro ta Sr. Karel Wever, doño y director di WEMA.

INICIO
El cuminsamento El Sol Nascente tabata tene su reunionan den un edificio chikito pariba di e kerki protestante di Wilhelmstraat. Na final di e decada di 1920 e Logia bira e dos piso di un cas di palo den e Klipstraat parais di e kerki protestante na e skina pobou di caminda awor ta Driftwood Restaurant. E prome piso tabata

tabata miembro di Logianan caminda na aplica baba. Hopi a join El Sol Nascente. Otronan cu nunca tabata Mason a bira Mason aki y cu tempo e Americanos a bira mayoria di e miembrecia. Como cu nan no tabata papia Spaño nan a obtene ritualnan na Ingles for di nan Logia na Merca. Despues di Guerra Mundial II Logia El Sol Nascente a cuminsa ricibi su ritualnan fof Hulanda pero esakinan tabata wordo traduci na Ingles. Te awe ainda Ingles ta e idioma "oficial" di El Sol Nascente.

E Masonan Americano a sigui aumenca e miembrecia te cu na 1962 El Sol Nascente tabata conta cu 167 miembro. E exodo eua pa e programa di lay-off na Lago a precipita un



▲ **Lloyd G. Smith, President y General Manager di Lago a wordo honra cu e estatua aki dilanti di Cas di Cultura pa tur lo ke ela haci pa Aruba. E ruman Lloyd tabata miembro di Logia El Sol Nascente y tabata un di e fundadonan di Logia King Solomon.**

caida drastico den miembrecia di e Logia y pa 1968 apenas a keda 26 miembro. Pero El Sol Nascente a regenera y a cuminsa crece atrobe. Posiblemente ta pasobra e relacion entre Papa di Roma y Masoneria a mehora significativamente y mes Catolico a aplica pa bira miembro. Awe El Sol Nascente tin mas di 80 miembro, mayoria di nan ta Catolico, y e ta di dos Logia mas grandi bou di jurisdiccion di Hulanda cu tra



▲ **E actual edificio di Logia El Sol Nascente a wordo consacra na 1997.**

inclusi tambe Antiyas, Suriname, Zuid Afrika y Zimbabwe. E miembro mas bieu di El Sol Nascente ta Art Krottauer, un Americano ex-empleado di Lago ken ta casa cu Sra. Nydia van Meeteren, ruman muhe di Karel van Meeteren, un Arubiano bon conoci aki den mundo di seguro. Art, cu edad di 98 aña a cumpli 73 aña cu e ta Mason. E desce di mas grandi di Art ta pa e por biba 100 aña y completa 75 aña como miembro di su Logia stima. Entre tanto e ta mantene contacto regular cu su rumannan di El Sol Nascente. Art y Nydia ta biva na Pennsylvania.

PERSONAHENAN Y PRINCIPAL
Masonan semper a lucha contra dictadura, inhumanidad y sufrimento. Mayoria di e firmanten di e Declaracion di Independencia di Merca, incluyendo George Washington, tabata Mason. Mayoria di e heroenan Venezolano drenta den Panteon di Caracas tabata

Mason. Marti, Libertador di Cuba, San Martin di Argentina y O'Higgins Libertador di Chile tabata Mason. E famoso escritor Hulandes Edward Douwes Dekker, milho, a skibi su baki Multatuli (Hopi mi a sufri) pa protesta contra e abusonan y inhumanidad di e colonialistanan Hulandes na lo ke awe ta Indonesia. Wolfgang Amadeus Mozart a skibi "Die Zauberflöte" (e Fluit Magico) como protesta contra e persecucionnan di e Emperatriz Marie Therese di Austria. Lidernan di e Revolucion Frances a bira e idealnan politico di e escritor frances Jean-Jacques Rousseau. Henry Dunant a inspira e fundacion di Cruz Croa Internacional pa combati sufrimento di e victiman di guerra.

Hopi homber famoso di tur parti di mundo ta for tabata Mason. John Glenn, e probe Americano a bay den orbita

ta un Mason, mesos cu Edwin "Buzz" Aldrin kende hunto cu Neil Armstrong tabata e prome dos hendenan cu a cana riba luna. Ludwig von Beethoven y hopi otro musiconan famoso den ultimo siglo nan, di Sibellus te "Satchmo", tabata Mason. Den arte, literature, deporte, ciencia, negoshi, medicina, politica, gobierno, eheerito, realmente den tur faceta di esfuersonan humano, Masonnan a haci un diferencia. Na Aruba tambe Masonnan a distingui nan mes y gana respet y admiracion den comunidad pa nan trabou meritorio. Hopi Mason a wordo reconoci y honra pa gruponan civico, cultural y deportivo. Reina di Hulanda a yega di condecora mas di shen Mason na Aruba den Orde di Oranje Nassau. Di e miembronan na bida di e tres Logianan di Aruba por lo menos dies Mason a yega di wordo condecora.

Un di e principianan di Masoneria ta caridad pa cu esnan cu tin necesidad. Na Merca masoneria ta contribui e equivalente di mas o menos cuatro milyon dollar pa dia, si, pa dia! E placa aki ta bay especialmente na cuidio medico gratis na 19 hospital di kemadisa (Burn Institute) y 3 hospital pa muchanan mutil (Crippled Children) na diferente parti di Merca. Aki na Aruba El Sol Nascente ta yuda esnan den necesidad, especialmente muchanan, aninamente.

E monumento Masonico na L.G. Smith Boulevard a wordo a desvela na 1990 cu celebracion di 70 aña di El Sol Nascente y



▲ **E prome edificio di Logia El Sol Nascente tabata keda riba Klipstraat parais di Kerk Protestant na e skina pobou di caminda Restaurant Driftwood ta awe. E piso abou tabata oficina principal di Postjerien di Aruba. E edificio a wordo tumba algun aña pasa pero ainda por mira e floor di cement.**

ta dedica na "Nadi" Henriquez, e prome venerable maestro. Tambe tin dos estatua di Mason na Aruba. Uno ta di Lloyd G. Smith dilanti di Cas di Cultura. E ruman Lloyd tabata miembro di El Sol Nascente pa hopi aña y tabata un di e fundadonan di Logia King Solomon. E otro statua Masonico ta di e Mason mas famoso di Zuid America: E homber monta riba cabai dilanti di Sociedad Bolivariana: General Simon Bolivar.

Cyde Harms



▲ **Na edad di 98 aña Art Krottauer ta e miembro mas bieu di El Sol Nascente. Ela wordo inicia na 1932, 73 aña pasa. Art ta spera di biba 100 aña pa celebra su di 75 aniversario Masonico.**



▲ **E monumento Masonico di Logia El Sol Nascente na L.G. Smith Blvd. ta dedica na L.J.M. "Nadi" Henriquez, un di e fundadonan di e Logia y su prome Venerable**



▲ **E prome miembran di El Sol Nascente (+/- 1922). Dilanti: Ryaad, Richard Johannes Eiman, S.A.A. "Silvio" Henriquez, X.Veeris, J.K. Zepp Lampe, Raal Yrausquin, Anton L. Scholten, Arax: I. "Dege" Frigerio, L.J.M. "Nadi" Henriquez, Horacio Yrausquin-Lampe, H.J. Schreuder**